


www.BibleForChildren.org



Yon 14



Be, Yesu go sopte po, "Ne dubul ten kwen goke
kanduknen ma nurnayin. Al Kurun nin heken nurde
hinayin. Irdeb ne nin wor heken nurde hinayin.
Nanner yarebe hen hen gasunbe budam han. Ningeb
gor kun gasuntin sope yiren tihim. Gasun go budam
mon manhan
gwahade ma
dinmewon."



Kun gasuntin sope yirde ep irdeb mulgan hen wan ne
hende gor duken. Gogab den manan ne hendde gor
hinayin.



Be, ne Yonbe denya tumngan Yesuya henbe
dadatin yara himirin hime. Irde yen ge ten
kanduk tumngande yenen hite.



Neya denyabe Al Kurun belen alya bereyamin
doyan yird yird bana gon tumnan hite Irde
yen ge ten kanduk bana hite gega,

goke mukku ma ten goya
goya sanin hen hen

ge pinen ma
hen hite.




Be, ne beleş Al Kurunyen mereya Yesu beleş
tagalde hinhin mereya kurun goyen tagalde
himeke al beleş goke igiñ ma nurdeb

nade Patmos motmotde
gago neramiñ.




Irkeb goya goyen po Holi Spirit belej tarej po ketal nuryiq. Irkeb kemne mat Al Kurunyen gasuq bana Doyaq Al Kurunyen keperd keperd gasunde al kura keperde hike kinmiriq.



Be, go kamereb det kurun gayen tumnan tikiñ hen
hinhan. Nan kinde niñ, megen niñ, megen biñ bana niñ,
irde makande niñ det kurun goreb
gahade tikiñ hamiñ: "Doyan Al
Kurunyen keperd keperd gasunde
kipirtin hi al goya Sipsip dirnjenja
goyen isoka yirde palap yirde deñe
turnun yan
yirde tareñ
kurun gobe
gwahader
yen po yunen
hitek," yamiñ.




Be, Taun Wukken Yerusalem gergej wor po gobe Al Kurunyen gasunde mat katen hike kinmirin. Taun gobe bere fonej kura un belej waj tupi ten kunj kunj ge ulin umna kusamun wor po ten hanyen go gwahade goyen po Doyan Al Kurun waj waj nin gitik titin hinhin.




Be, go kamereb Doyan Al Kurunyen keperd keperd
gasunđe gor mat al melak kura forok yeke nurmirin.
Mereminbe gahade: "Gayenter Al Kurun hen hen
gasunbe alya bereya hanđe gor hi! Yenbe mel goya
hiyen. Irkeb mel gobe Al Kurunyen alya bereya
henayin.


Irkeb Al
Kurun yingenbe
mel goya henbe
yende Al Kurun
hiyyen."




Be, gor matbe Al Kurunyen miyon gore Al Kurunya
huginen hen hen sajin minyan fe kurun goyen nikala
nirke kinmirin. Fe gobe galas yara wukkekk wor po,
irde Al Kurunya Sipsip dirnjenyat keperd keperd
gasunde mat katen hinhin.



Taun bana gonbe Al Kurunyen tarengmin turngun yan
wor po gore hulsi melak hen agat urde hiyen gwahade
po ten hikeb nanaya gagasiya nin ma nurde han. Taun
bana gon nin hulsibe Sipsip dirnen gogo.




Goyenbe det kura Al Kurun dilinde wukkenj monbe taun
bana gonj epte ma yad hurkunayinj. Irde al kura mata
memyak tej hanj marya
usi mata tej hanj maryabe
epte ma taun bana gonj
hurkunayinj. Gwahade
yarabe Al Kurunya
huginenj hinayinj marte
denjem katinj asande
denjem hanj mar go po
hinayinj. Asanj gobe
Sipsip dirnenj gote asanj.




Yen beley alya bereyat diliñ fimiñ halde yunyeñ. Mata
bikkekyä det bikkekyäbe hubu henayıñ geb, kamde
kamde mata hubu hiyyeñ, irde al kamke eseñ obam
teñ teñ mata wor hubu hiyyeñ.
Go ma esinayıñ, irde ulıñ misiñ
ma katnayıñ," yiriñ.




Taun bana gonbe det kura Al Kurun beley karan
yurtinge gon ma hinayin. Irde Al Kurunya Sipsip
dirnyat keperd keperd gasunbe taun bana gon
hiyen. Irkeb meten marmen beley meten ten yunen
hinayin. Mel gobe
Sipsip dirnen gote
kimin kennayin,
irde denembe
mel gote kiminde
katin hiyen.




Irde kamaminj mar kurunj goyen al denjem yanya
denjem minmonya Doyan Al Kurunyen keperd keperd
gasun diliŋ mar huwarde hike yinmirin. Gorbe asan hol
yirtin hinhan. Irke asan hoyan kura hol yirin. Asan
gobe Al Kurunya huginenj hitek mar
gote denjem katinj asan. Al kamtinbe
megen henya mata tenj hinhan
kurunj goyen asan
buda goyen bana
gonj katinj geb,
gor mat mata
dahade tenj
hinhan gote
murungem taminj.



Ningeb al kurate denem Al Kurunya huginen hitek
marte denem asande katin bana gon ma hikeb yade
kak ala goyenter yimiyyin.



Be, Holi Spiritya siosya belej, "Wanañ!" yaryum.
Irkeb al kura mere go nuramiñ mar wor, "Wanañ!"
yamiñ. Fudinde, al kura hugiñ hitek fe niñ kamde hañ
marbe wañ fe go nenayiñ. Fe gobe al kura goke nurde
hañ marbe damum moñ duliñ nenayiñ.



Al Kurunbe megen niñ alya bereya
gayen bubulkunne wor po yeñ nurd
yunenbe Urmiñ unkuřen
muñ goyen basiña ma
irdeb yunyiñ.



Ningeb al kura Urminḡ goke
dufayminḡ tareḡ iryeḡ al gobe
huginḡ kamde kamdere ma
kuḡbe Al Kurunya huginḡ
hiriryḡ.



Rom 3:23

Fudinde, al tumnan Al Kurun dilinde mata bulun
titiŋ ala geb, Al Kurunyen tareŋ turunŋ yan bana
epte ma hitek haŋ.

Rom 6:23

Gwahade goyen po, mata bulun gote murungembe
huginen kamde kamde gogo. Munan Doyan Al
Kurunniniŋ Yesu Kristuya hen hen goke ten detmin
kura Al Kurun beŋ damum moŋ dulin duntin gobe
yenya huginen hen hen gogo.

Hiburu 9:27

Albe wawun unkuŋen po kamnayan, sopte ma
kamnayan. Goyenbe go kamereb merere huwarke Al
Kurun beŋ al igin ma bulun goyen pota yiryen.



Efesus 2:8,9

Denbe Al Kurun beley dumulgan tike igin han gobe dindikende tarende mon. Al Kurun beley buninen dirde faran durkeb Yesu nin dufaytin tarey iramin geb, gogo dumulgan tiyyin. Dumulgan tiyyin gobe dulin dumulgan tiyyin. Mata igin kura ma ten hikeya dumulgan tiyyin.

Gogab al kura mata igin ten hiyen goke epte ma yingen ge turun turun ten hiyen.

Rom 10:9,10

Ningeb mere go yitin gwahade po, al kura binde mat wor po Al Kurun beley Yesu go kamtinde mat isan hiri goyen fudinde yen dufaymin tarey iryen, irde yingen mohonde wor po, "Yesube Doyan Al Kurun," yiyyenbe Al Kurun beley al go tumulgan tiyyen. Fudinde, al kura Yesu nin binde mat dufaymin sanin irke Al Kurun beley al huwak inyen. Irde dufaymin tarey irtin goyen mohonde mat kawan po tagalkeb Al Kurun beley tumulgan tiyyen.



Yon 3:16,17

Al Kurunbe megen niŋ alya bereya gayen bubulkunne wor po yeŋ nurd yunenbe Urmiŋ unkuŋeŋ muŋ goyen basiŋa ma irdeb yunyiŋ. Niŋgeb al kura Urmiŋ goke dufaymiŋ tareŋ iryeŋ al gobe hugiŋeŋ kamde kamdere ma kuŋbe Al Kurunya hugiŋeŋ hiriryen. Al Kurunbe alya bereya gayen merem yaŋ yire yeŋ ma Urmiŋ teŋ kerke katyiŋ. Gwaha titŋeŋbe Urmiŋ beŋeŋ meten tiyyen go hende alya bereya yumulgaŋ tiyyen yeŋ Urmiŋ teŋ kerke katyiŋ.



1 Yon 5:11-13

Be, Al Kurun belen Urmin ge tagaltin gobe gahade: Al Kurun belenbe yingenya huginen hen hen goyen dunyin, irde huginen hen hen gote min albe Urmin. Ningeb al kura Urminya awalikde han gobe Al Kurunya huginen hen hen minyan. Munan al kura Al Kurun Urminya awalikde ma han gobe Al Kurunya huginen hen hen goyen minmon. Be, nebe den alya bereya Al Kurun Urmin goke dufaytin tareng irtin han mar goyen Al Kurunya huginen hen hen matabe dende hitin goyen go nurwon yen asan gago kan dunen hime.



Yon 14; 2 Korin 5; Yuwarwar 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Gwahatike Bible (dah) © 2000, Wycliffe Bible
Translators, Inc. All rights reserved.

<https://live.bible.is/bible/DAHPNG/MAT/1>

©2024 Bible for Children, Inc.

www.M1914.org

www.bibleforchildren.org

